

REGIONAL NEWS UNIT
ALL INDIA RADIO, AGARTALA
Date: 16-03-2024
Time: 07:55-08:05 PM Hrs
BENGALI EVENING BULLETIN

Headlines :

(১) ভারতের নির্বাচন কমিশন আজ অষ্টাদশ লোকসভা নির্বাচনের নির্ঘণ্ট প্রকাশ করেছে। পশ্চিম ত্রিপুরা আসনে ১৯শে এপ্রিল এবং পূর্ব ত্রিপুরা আসনে ২৬ শে এপ্রিল ভোট হবে।

(২) নির্বাচন নির্ঘণ্ট ঘোষণার সঙ্গে সঙ্গে সারা দেশে আদর্শ আচরণ বিধি কার্যকর হয়েছে।

(৩) রাজ্যপাল ইন্দ্রসেনা রেড্ডি নাল্লু আজ রাজভবনে জাতীয় টিকাকরণ দিবস- ২০২৪ উদযাপন অনুষ্ঠানের উদ্বোধন করেন।

(৪) বিলোনিয়া মহকুমা ক্রিকেট এসোসিয়েশন আয়োজিত সিনিয়র ডাবল লীগ কাম নক আউট ক্রিকেট টুর্নামেন্টের তৃতীয় ম্যাচে আজ জয়পুরের স্বামী বিবেকানন্দ সোস্যাল ওয়েলফেয়ার সেন্টার জয়ী হয়েছে।

*

Loksabha Election :

ভারতের নির্বাচন কমিশন আজ অষ্টাদশ লোকসভা নির্বাচনের নির্ঘণ্ট প্রকাশ করেছে। আগামী মাসের ১৯ তারিখ থেকে সাত দফায় লোকসভা নির্বাচন অনুষ্ঠিত হবে। ভোট গণনা হবে চৌঠা জুন। প্রথম দফায় ১০২টি লোকসভা আসনের জন্য ১৯ এপ্রিল, দ্বিতীয় দফায় ৮৯টি আসনের জন্য ২৬ এপ্রিল, তৃতীয় দফায় ৭ই মে ৯৪টি আসনে ভোটগ্রহণ অনুষ্ঠিত হবে এবং ১৩ই মে ৯৬টি আসনে চতুর্থ পর্বে ভোটগ্রহণ হবে। পঞ্চম ধাপে ৪৯টি সংসদীয় আসনে ২০শে মে ভোট হবে, ষষ্ঠ দফায় ৫৭টি আসনে ভোট হবে ২৫ মে এবং শেষ তথা সপ্তম ধাপে ৫৭টি লোকসভা আসনে ভোট হবে পয়লা জুন।

পশ্চিম ত্রিপুরা আসনে ১৯শে এপ্রিল এবং পূর্ব ত্রিপুরা আসনে ২৬শে এপ্রিল ভোট হবে।

রামনগর বিধানসভা কেন্দ্রের উপ নির্বাচনের ভোটও নেয়া হবে ১৯শে এপ্রিল।

নির্বাচনের নির্ঘণ্ট ঘোষণার সঙ্গে সঙ্গে আদর্শ আচরণবিধি কার্যকর হয়েছে। নতুনদিল্লিতে নির্বাচনের সময়সূচী ঘোষণা করে মুখ্য নির্বাচন কমিশনার রাজীব কুমার বলেছেন, ভারতীয় গণতন্ত্রের সবচেয়ে বড় উৎসবের জন্য কমিশন সম্পূর্ণ রূপে প্রস্তুত। তিনি বলেন, দেশে ৯৭ কোটি নিবন্ধিত ভোটার এবং ১০ লক্ষ ৫০ হাজারেরও বেশি ভোট কেন্দ্র রয়েছে। দেড় কোটি কর্মী দ্বারা ভোট পরিচালনা করা হবে। তিনি আরও বলেন, এবারের নির্বাচনে ১ কোটি ৮২ লক্ষ নতুন ভোটার থাকবেন।

শ্রী কুমার বলেন যে কমিশন ৮৫ বছরের বেশি বয়সী ভোটার এবং বিশেষ ভাবে সক্ষম ব্যক্তিদের জন্য বাড়ি থেকে ভোট দেবার ব্যবস্থা করেছে।

তিনি আরও বলেন, রাজনৈতিক দলগুলোকে নির্বাচনে কোনো গুরুতর ফৌজদারি মামলার ব্যক্তিকে প্রার্থী করলে, তার কারণ ব্যাখ্যা করতে হবে।

তিনি বলেন, অবাধ ও সুষ্ঠু নির্বাচন পরিচালনার ক্ষেত্রে পেশী শক্তি, অর্থ, ভুল তথ্য এবং আচরণ বিধি লঙ্ঘনের মতো চ্যালেঞ্জ মোকাবেলা করার জন্য ব্যবস্থা নেয়া হয়েছে। তিনি আরও বলেন, ভোটের দিন ড্রোন ভিত্তিক চেকিং করা হবে। নির্বাচনে রক্তপাত ও সহিংসতার কোনো স্থান নেই এবং নির্বাচনের সময় কোথাও সহিংসতা ঘটলে কমিশন কঠোরভাবে মোকাবেলা হবে বলে উল্লেখ করেন তিনি।

আজ সিকিম, ওড়িশা, অন্ধ্রপ্রদেশ এবং অরুণাচল প্রদেশের বিধানসভা নির্বাচনের সময়সূচীও ঘোষণা করা হয়েছে।

Election Tripura :

নির্বাচন কমিশনের নির্ঘণ্ট অনুযায়ী পশ্চিম ত্রিপুরা লোকসভা আসনের নির্বাচনের বিজ্ঞপ্তি জারি করা হবে ২০শে মার্চ। ঐদিন থেকে মনোনয়নপত্র গ্রহণের কাজ শুরু হবে। মনোনয়নপত্র গ্রহণের শেষ দিন ২৭শে মার্চ। এরপর দিন অর্থাৎ ২৮শে মার্চ মনোনয়নপত্র স্কুটিনি করা হবে। মনোনয়ন প্রত্যাহারের শেষ দিন ত্রিশে মার্চ। ভোটগ্রহণ ১৯শে এপ্রিল। পূর্ব ত্রিপুরা লোকসভা আসনের নির্বাচনের বিজ্ঞপ্তি জারি করা হবে আগামী ২৮শে মার্চ।

ঐদিন থেকে মনোনয়নপত্র গ্রহণের কাজ শুরু হবে। মনোনয়নপত্র গ্রহণের শেষ দিন চৌঠা এপ্রিল। স্কুটিনি ৫ই এপ্রিল। মনোনয়নপত্র প্রত্যাহারের শেষ দিন আট এপ্রিল। ভোটগ্রহণ ২৬শে এপ্রিল।

World Vaccination Day :

রাজ্যপাল ইন্দ্রসেনা রেড্ডি নাল্লু আজ রাজভবনে জাতীয় টিকাকরণ দিবস- ২০২৪ উদযাপন অনুষ্ঠানের উদ্বোধন করেন। স্বাস্থ্য ও পরিবার কল্যাণ দপ্তরের সহায়তায় আয়োজিত এই অনুষ্ঠানে রাজ্যপাল টিকাকরণের প্রয়োজনীয়তা নিয়ে বক্তব্য রাখেন। তিনি বলেন, সামগ্রিক টিকাকরণ শুরুর পূর্বে পোলিও, বসন্ত ইত্যাদি রোগে অনেকের জীবনহানি হতো। স্বাস্থ্যকর্মীগণ বর্তমানে বর্ষব্যাপী নিরলসভাবে সাধারণ মানুষের স্বাস্থ্য সুরক্ষায় কাজ করে চলেছেন। রাজ্যপাল বলেন, এবছর প্রথমবারের মতো রাজভবনে জাতীয় টিকাকরণ দিবস উদযাপন করা হয়েছে। অনুষ্ঠানে তিনি শিশুদের পোলিও ডোজ খাওয়ান। স্বাগত ভাষণ দেন পশ্চিম ত্রিপুরা জেলার মুখ্য স্বাস্থ্য আধিকারিক ডাঃ রঞ্জন বিশ্বাস।

Blood Donation :

খোয়াই মহকুমার চেবরী প্রাথমিক স্বাস্থ্যকেন্দ্রে আজ এক রক্তদান শিবিরের আয়োজন করা হয়। রক্তদান শিবিরে মোট ৩৫ জন স্বেচ্ছায় রক্তদান করেন। চেবরী প্রাথমিক স্বাস্থ্য কেন্দ্র এবং রোগী কল্যাণ সমিতির যৌথ উদ্যোগে আয়োজিত এই রক্তদান শিবিরে

উপস্থিত ছিলেন বিধায়ক পিনাকী দাস চৌধুরী, খোয়াই পঞ্চায়েত সমিতির সদস্য চয়ন রায় প্রমুখ।

MLA injured :

এদিকে, চেবরীর রক্তদান শিবির শেষে আগরতলায় ফেরার পথে দুর্ঘটনার কবলে পড়েন। চম্পকনগর রাম সাধু পাড়ায় বিপরীত দিক আসা একটি গাড়ি বিধায়কের গাড়িটিকে সজোরে ধাক্কা মারে। বিধায়ক সহ মোট চারজন এতে জখম হন। দুর্ঘটনায় বিধায়কের গাড়িটিরও ক্ষতি হয়। দুর্ঘটনার পর বিধায়ক সহ সবাইকে জিবি হাসপাতালে পাঠানো হয়।

মুখ্যমন্ত্রী প্রফেসর ডাঃ মানিক সাহা, সাংসদ বিপ্লব কুমার দেব, বিদ্যুৎমন্ত্রী রতনলাল নাথ, ক্রীড়ামন্ত্রী টিঙ্কু রায়, উপজাতি কল্যাণমন্ত্রী বিকাশ দেববর্মা, বিজেপি প্রদেশ সভাপতি রাজীব ভট্টাচার্য্য আজ বিকাল জিবি হাসপাতালে গিয়ে পিনাকী দাস চৌধুরীকে দেখে আসেন।

Flag march, Khowai :

শান্তিপূর্ণ নির্বাচন করার উদ্দেশ্যে খোয়াই শহরের আইন-শৃঙ্খলা নিয়ন্ত্রণের লক্ষ্যে আদ বিকেলে খোয়াই জেলা পুলিশ সুপারের নেতৃত্বে শহরে অতিরিক্ত নিরাপত্তা রক্ষীদের নিয়ে ফ্ল্যাগ মার্চ অনুষ্ঠিত হয়। এই ফ্ল্যাগ মার্চে উপস্থিত ছিলেন খোয়াই জেলার পুলিশ সুপার রমেশ কুমার যাদব, অতিরিক্ত পুলিশ সুপার প্রবীর পাল, মহকুমা পুলিশ আধিকারিক পৃষণ কান্তি মজুমদার, খোয়াই থানার ওসি সুবীর মালাকার, মহিলা থানার ওসি মীনা দেববর্মা সহ

সিআরপিএফ এবং টি এস আর জওয়ানরা। আকাশবাণীকে দেওয়া এক সাক্ষাৎকারে জেলা পুলিশ সুপার জানিয়েছেন, এখন পর্যন্ত এই জেলায় ৮ কোম্পানি অতিরিক্ত নিরাপত্তা রক্ষীরা নিজ নিজ স্থানে পৌঁছে গেছেন। নির্বাচনকে কেন্দ্র করে আইনশৃঙ্খলা নিয়ন্ত্রণে রাখার জন্যই এই ধরনের ফ্ল্যাগ মার্চ করা হচ্ছে জেলার সর্বত্র।

Prasar Bharati :

প্রাক্তন IAS আধিকারিক নবনীত কুমার সেহগাল আজ প্রসার ভারতীর নতুন চেয়ারম্যান হিসাবে দায়িত্বভার গ্রহণ করেছেন। শ্রী সেহগাল ইউপি ক্যাডারের ১৯৮৮ ব্যাচের একজন অবসরপ্রাপ্ত আধিকারিক। তিনি এ সূর্য প্রকাশের উত্তরসূরি হিসেবে এই দায়িত্ব নিলেন।

CM-club members :

মুখ্যমন্ত্রী অধ্যাপক ডা: মানিক সাহা আজ আগরতলায় মুক্তধারা অডিটরিয়ামে পশ্চিম জেলার বিভিন্ন ক্লাবের সদস্যদের সঙ্গে মতবিনিময় সভা করেছেন। সভায় উপস্থিত ছিলেন বিজেপি প্রদেশ সভাপতি রাজীব ভট্টাচার্য, পশ্চিম আসনের বিজেপি প্রার্থী সাংসদ বিপ্লব কুমার দেব, আগরতলা পুর নিগমের মেয়র দীপক মজুমদার।

CM-Jonojati morcha :

বিজেপি জনজাতির মোর্চার উদ্যোগে আজ আগরতলার টাউন হলে কার্যকর্তা সম্মেলন অনুষ্ঠিত হয়। সম্মেলনে উপস্থিত ছিলেন মুখ্যমন্ত্রী অধ্যাপক ডাঃ মানিক সাহা, লোকসভা নির্বাচনে পূর্ব ত্রিপুরা আসনে বিজেপি'র প্রার্থী মহারানী কৃতি সিং দেবর্মা ও পশ্চিম ত্রিপুরা আসনের প্রার্থী বিপ্লব কুমার দেব। তাছাড়া উপস্থিত ছিলেন শিল্প ও বাণিজ্য মন্ত্রী সান্তনা চাকমা, জনজাতি কল্যাণমন্ত্রী বিকাশ দেবর্মা, বিজেপি রাজ্য সভাপতি রাজীব ভট্টাচার্য প্রমুখ। এই সম্মেলনে আসন্ন লোকসভা নির্বাচনের সাংগঠনিক প্রস্তুতি নিয়ে আলোচনা হয়।

Language Martyr Sudeshna Singha :

বিষ্ণুপ্রিয়া মণিপুরী ভাষা শহীদ কুমারী সুদেষ্ণা সিংহ এর শহীদান দিবস আজ নানা কর্মসূচির মধ্য দিয়ে ঊনকোটি জেলা সদর কৈলাশহরেও পালিত হচ্ছে।

এই উপলক্ষে আজ সকালে সুদেষ্ণা সিংহ নিংসিং সমিতির উদ্যোগে এক শ্রদ্ধাঞ্জলি অনুষ্ঠান হয় কৈলাশহরের চিড়াকুটিতে। এখানে অবস্থিত শহীদ বেদিতে পুষ্পার্ঘ্য অর্পণ করে ভাষা শহীদকে স্মরণ ও শ্রদ্ধা জানানো হয়।

এদিকে কৈলাশহরের "শাচাক ক্লাব" এর ব্যবস্থাপনায় স্থানীয় চিড়াকুটিতে এক স্বেচ্ছা রক্তদান শিবির অনুষ্ঠিত হয়।

শাচাক ক্লাব এর প্রতিষ্ঠাতা সদস্য মিলন সিংহ জানান, এবছর ক্লাবের উদ্যোগে 24তম রক্তদান শিবিরের আয়োজন। আজকের শিবিরে মোট একুশজন রক্তদান করেন।

উল্লেখ্য যে, 1996 সালের আজকের দিনে আসামের বরাক উপত্যকার কলকলিঘাট রেলস্টেশনে বিষ্ণুপ্রিয়া মণিপুরী ভাষা স্বীকৃতির দাবিতে আন্দোলনরত কুমারী সুদেষ্ণা সিংহ গুলিবিদ্ধ হয়ে শহীদ হয়েছিলেন।

BJP :

পশ্চিম ত্রিপুরা লোকসভা আসনের বিজেপি মনোনীত প্রার্থী বিপ্লব কুমার দেব এবং পূর্ব ত্রিপুরা জনজাতি সংরক্ষিত লোকসভা আসনের প্রার্থী কৃতি সিং দেববর্মনকে নিয়ে আজ সাংগঠনিক বৈঠক করলেন প্রদেশ বিজেপি নেতৃত্ব। বৈঠকে উপস্থিত ছিলেন মুখ্যমন্ত্রী অধ্যাপক ডা: মানিক সাহা, প্রদেশ সভাপতি রাজীব ভট্টাচার্য সহ অন্যান্য নেতৃত্ব। প্রথমে মুখ্যমন্ত্রী এবং প্রদেশ সভাপতি দুই প্রার্থীকে বরণ করে নেন। পরে নির্বাচন সংক্রান্ত বিষয় নিয়ে কার্যকর্তাদের সাথে নিয়ে আলোচনা করেন।

Charma shilpi :

ত্রিপুরা তপশিলি জাতি সমন্বয় সমিতির উদ্যোগে আজ মেলার মাঠ আশ্বেদকর ভবনে চর্ম শিল্পী সমিতির ৪২তম প্রতিষ্ঠা দিবস পালন করা হয়। দলীয় পতাকা উত্তোলন করেন ত্রিপুরা তপশিলি জাতি সমন্বয় সমিতির রাজ্য কমিটির সাধারণ সম্পাদক সুধন দাস। তিনি দিনটির তাৎপর্য তুলে ধরে বক্তব্য রাখেন। অনুষ্ঠানে উপস্থিত ছিলেন প্রাক্তন মন্ত্রী রতন ভৌমিক সহ সংগঠনের অন্যান্য নেতৃত্ব।

BJP yubo morcha :

বিজেপি যুব মোর্চার উদ্যোগে আজ আগরতলার মুক্তধারা অডিটোরিয়ামে এক বৈঠক অনুষ্ঠিত হয়। বৈঠকে সিদ্ধান্ত হয় আগামী ২৩শে মার্চ আগরতলায় যুব মোর্চার উদ্যোগে রেলি ও যুব জমায়েত অনুষ্ঠিত হবে। বৈঠক শেষে যুব মোর্চার সভাপতি সুশান্ত দেব এখবর জানান।

Workshop :

দক্ষিণ জেলা নির্বাচনী আধিকারিক, জেলা তথ্য সংস্কৃতি দপ্তরের ও বিলোনিয়া প্রেস ক্লাবের উদ্যোগে আজ দক্ষিণ জেলা শাসকের অফিসের কনফারেন্স হলে দক্ষিণ জেলার বিলোনিয়া, শান্তিরবাজার ও সাব্রুম মহকুমার সাংবাদিকদের নিয়ে আগামী লোকসভা নির্বাচন নিয়ে এক কর্মশালা অনুষ্ঠিত হয়। কর্মশালার সূচনা করেন দক্ষিণ জেলার জেলাশাসক সিদ্ধার্থ শিব জয়সওয়াল। জেলা শাসক বলেন, নিরপেক্ষ দৃষ্টিভঙ্গি বজায় রেখে অবাধ ও শান্তিপূর্ণ নির্বাচন করানোই জেলা প্রশাসনের লক্ষ্য। শান্তিপূর্ণ নির্বাচনের জন্য প্রশাসনকে সহযোগিতা করতে সাংবাদিকদের আহ্বান জানান তিনি। জেলা পুলিশ সুপার অশোক কুমার সিনহা, আগরতলা প্রেসের ক্লাবের সভাপতি জয়ন্ত ভট্টাচার্য, সাংবাদিক মানস পাল প্রমুখ লোকসভা নির্বাচনের খবর সংগ্রহ করার বিষয়ে গুরুত্বপূর্ণ পরামর্শ দেন। তথ্য ও সংস্কৃতি দপ্তরের সহ-অধিকর্তা রিপন চাকমা স্বাগত বক্তব্য রাখেন কর্মশালায়।

Unakoti District Level T.B Forum :

ঊনকোটি জেলার জেলা শাসক দিলীপ কুমার চাকমা'র সভাপতিত্বে আজ বিকালে D.M কনফারেন্স হলে ঊনকোটি জেলার টি,বি ফোরামের এক বৈঠক অনুষ্ঠিত হয়।

টি,বি রোগ থেকে সম্পূর্ণ সুস্থ কয়েকজন বৈঠকে উপস্থিত ছিলেন।

এখানে প্রাপ্তবয়স্কদের B.C.G ইনজেকশন দেবার কাজের অগ্রগতি ইত্যাদি বিষয়ে আলোচনা ও মতবিনিময় করা হয়।

Belonia Senior Cricket :

বিলোনিয়া মহকুমা ক্রিকেট এসোসিয়েশন আয়োজিত সিনিয়র ডাবল লীগ কাম নক আউট ক্রিকেট টুর্নামেন্টের তৃতীয় ম্যাচে আজ জয়পুরের স্বামী বিবেকানন্দ সোস্যাল ওয়েলফেয়ার সেন্টার জয়ী হয়েছে। বিলোনিয়া বিদ্যাপীঠ মাঠে আয়োজিত এই ম্যাচে প্রথমে ব্যাট করতে নেমে এসবিসি নগর প্লে সেন্টার ৪০ওভারে ২ বলে ১৭১ রান সংগ্রহ করে। পাল্টা খেলতে নেমে স্বামী বিবেকানন্দ সোস্যাল ওয়েলফেয়ার সেন্টার ২০ ওভারে ৫ বলে ২ উইকেটের বিনিময়ে ১৭৪ রান সংগ্রহ করে।

Super Division :

টিসিএ পরিচালিত ঘরোয়া সুপার ডিভিশন লিগ ক্রিকেট প্রতিযোগিতার একদিনের সীমিত ওভারের আসরে আজ দুটি খেলা হয়। এতে ব্লাডমাউথ ক্লাব ও ইউনাইটেড ফ্রেন্ডস জয়লাভ

করেছে। নরসিংগড়ের টিআইটি মাঠে অনুষ্ঠিত খেলায় ইউনাইটেড ফ্রেন্ডস ৪ উইকেটে শতদল সংঘকে এবং পিটিএ মাঠে ব্লাডমাউথ ক্লাব ৬১ রানে জয়নগর ক্রিকেট ক্লাবকে পরাজিত করে।

Women's Cricket :

টিসিএ পরিচালিত মহিলাদের আমন্ত্রণমূলক ঘরোয়া টি-২০ ক্রিকেট প্রতিযোগিতার আজ পাঁচটি খেলা হয়। এমবিবি স্টেডিয়ামে তরুণ সংঘ কোচিং সেন্টার ৯ উইকেটে লালবাহাদুর ব্যায়ামাগারকে এবং জুটমিল কোচিং সেন্টার ১৪৬ রানে মৌচাক কোচিং সেন্টারকে পরাজিত করে। এদিকে, তালতলা মাঠে দুটি খেলায় এগিয়ে চলো সংঘ ২৮২ রানে বিদ্যাসাগর প্লে সেন্টারকে এবং অপর খেলায় এডি নগর কোচিং সেন্টার ১০ উইকেটে ক্রিকেট অনুরাগী কোচিং সেন্টারকে হারিয়ে দেয়। অপরদিকে, মেলাঘরে অনুষ্ঠিত একমাত্র খেলায় ব্লাডমাউথ ক্লাব ১৯১ রানে চাম্পামুড়া কোচিং সেন্টারকে পরাজিত করে।

Weather :

আগামীকাল আকাশ আংশিক মেঘাচ্ছন্ন থাকবে। তাপমাত্রা সর্বোচ্চ তেত্রিশ ডিগ্রী এবং সর্বনিম্ন কুড়ি দশমিক ছয় ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল বত্রিশ ডিগ্রী এবং সর্বনিম্ন একুশ ডিগ্রী সেলসিয়াস।
